

**Ka Moporesidente
Henry B. Eyring**
Mogakolodi wa Ntlha mo
Boporesidenteng jwa Ntlha



Balelwapa le Ditsala Go ya goile

Gongwe le gongwe ko o tshelang teng, o na le ditsala tseo di senkang boitumelo jo bogolo joo o bo boneng mo go tsheleng efangele ya puseletso ya ga Jeso Keresete. Ba kanna ba seke ba tlhalosa boitumelo jo ka mafoko, mme ba ka bo lemoga fa ba bo bona mo botshelong jwa gago. Batlaa nna podimatseba mo go ithuteng motswedi wa boitumelo joo, bogolo jang fa ba bona gore o lebaganye le diteko fela jaaka bone.

O ikutlwile o itumetse jaaka fa o ne o tshegetsela melao ya Modimo. Seo ke leungo la tsholofetso la go tshela efangele (bona Mosaeya 2:41). Ga o tshegetse melao ya Morena ka boikanyego go bonwa ke batho ba bangwe, mme bao ba ba lemogang boitumelo jwa gago ba abo ba baankangwa ke Morena go utlwa dikgang tse di molemo tsa Puseletso ya efangele.

Masego a o a filweng a tlhodile maitlamo le ditshono tse di molemo mo botshelong jwa gago. Jaaka o le morutwana wa kgolagano ya ga Jeso Keresete, o tlamega go otlololela go ba bangwe tshono ya go fitlhelela boitumelo jo bo oketsegileng, bogolo jang go ditsala le maloko a lelwapa la gago.

Morena o bone tshono ya gago mme a tlhalosa maitlamo a gago ka molao o: “Go tla gore motho mongwe le mongwe yo o tlhagisitsweng gore a tlhagise moagisani ka ene” (D&D 88:81).

Morena o dira gore molao o o nne motlhofo go obamelwa ka phetogo eo e diragalang mo pelong ya gago jaaka o amogela le go tshela efangele ya ga Jeso Keresete. Ka maduo ao, lorato la gago go ba bangwe lea oketsega, ga mmogo le dikeletso tsa gago go bone gore ba nne le boitumelo jo o nnileng le maitemogelo jwa jone.

Nngwe ya sekai sa phetogo eo ke kafa o amogelang monyetla wa go thusa mo tirong ya Morena ya boanamisa tumelo. Baanamisa tumelo ba dinako tsotlhe, ba ithuta ka bofefo gore ba ka solofela, gotsweng mosokologing wa boammaaruri phetolo e e boruma ya kopo ya molalediwa. Mosokologi o nyoregela ditsala le maloko a lelwapa gore ba abelane mo boitumelong jwa gagwe.

Fa moeteledipele wa mmishene ya wate ya gago kgotsa baanamisa tumelo ba kopa maina a mongwe go ruta, ke tlaleletso e kgolo go wena. Ba itse gore ditsala di bone boitumelo jwa gago mme, ka jalo, ditsala tseo di baakanyeditswe go utlwa le go ithlophela go amogela efangele. Mme ba nna le netefatso ya gore o tlaa nna tsala eo ba tlaa e tlhokang jaaka fa ba tla mo bogosing.

Ga o tlhoke gore o boife gore o tlaa latlhegelwa ke ditsala ka go laletsa baanamisa tumelo go kopana le bone. Ke na le ditsala tse di neng tsa gana baanamisa tumelo mme bane ba nteboga mo dingwageng tse di neng tsa feta go bo ke ne ka ba fa selo seo keneng ke itse fa se le botlhokwa go nna. O ka dira ditsala go ya

goile ka go ba fa efangele, eo ba bonang e tlisitse boitumelo go wena. O seka wa fosa tshono ya go laletsa tsala le bogolo jang leloko la lelwapa go itlhophela go sala morago thulaganyo ya boitumelo.

Ga gona tshono ee kgolo ya tlaetso eo go na le mo ditempeleng tsa Kereke. Koo Morena O ka fa dikgolagano tsa pholoso go badimo ba rona bao ba ba neng ba sa di amogela mo botshelong jo. Ba leba tlase go wena ka lorato le tsholofelo. Morena o solofeditse gore ba tlaa nna le tshono ya go tla mo bogosing jwa Gagwe (bona D&D 137:7–8), mme O jwadile lorato go bone mo pelong ya gago.

Bontsi jwa lona bo utlwile boipelo mo dikgolagano tsa tempele go ba bangwe, jaaka fela fa lo dira fa leefa maina a batho go baanamisa tumelo gore ba kopane nabo. Le utlwile boipelo jo bogolo fa le diragatsa dikgolagano go badimo ba lona. Go ne go senoletswe go Moporofiti Joseph Smith gore boitumelo jwa rona jwa bosakhutleng bo kgonega fela fa re naya badimo ba rona tsela go lesego leo ka go dira mo boemong jwa bone dikgolagano tsa tempele (bona D&D 128:18).

Nako ya Keresemose e fetolela dipelo tsa rona go Mmoloki le boipelo jo efangele ya Gagwe e bo tlisiteng. Re supa ditebogo go Ene thata fa re naya boitumelo joo go ba bangwe. Ditebogo di fetogela boipelong jaaka re naya maina go baanamisa tumelo le fa re isa maina a badimo ba rona kwa tempeleng. Sesupo seo sa ditebogo se ka dira ditsala le malwapa a rona go tshwara ka thata goya goile.

GO RUTA GO TSWA MOLAETSENG O

Moporesidente Eyring o tlhalosa gore re ka supa ditebogo tsa rona go Mmoloki ka go abelana efangele le ba bangwe. O ka buisanya le ba o ba rutang ka gore mpho ya efangele e ba segofaditse jang mo matshelong a bone. Akanyetsa go ba laletsa go rapelela go itse ba ba ka eletsang go ba abela mpho ya efangele le gore ba ka dira jang jalo.

BANA

Amogana bopaki jwa gago.

Oka abelana mpho ya efangele ka Keresemose ka go fa tsala kgotsa moagisanyi kgatiso ya Buka ya ga Momone ka bopaki jwa gago bo kwadilwe mo teng. Sala morago dikgato tse go ipaakanya:

1. Mo pampiring, sega bokoso ya selekanyo sa di inchi dile $4\frac{1}{2} \times 6\frac{1}{2}$ ($11\frac{1}{2} \times 16\frac{1}{2}$ cm) mme o nne le mogolo yo o go thusang go e sega.
2. Tsenya setshwantsho sa gago— e ka tswa ele se o se tshwantshitseng kgotsa senepe— kwa godimo ga tsebe.
3. Kwala bopaki jwa gago ka fa tlase ga setshwantsho seo.
4. Letla mogolo go go thusa go kokometsa pampiri mo teng ga khafara ya Buka ya ga Momone.

BANANA

A Ke Ka Abelana Buka ya ga Momone?

Ka Josh Arnett

Ka sebaka sa ngwaga wame wa ntlha kwa sekolong se segolwane, morutabana wame wa seminari o ne a re laletsa go fa ditsala tsa rona tse eseng maloko dikgatiso tsa Buka ya ga Momone. Le fa kene tota ke le ditlhong thata, ke ne ka amogela taletso eo.

Go ntsera malatsi ale mmalwa go aga bopelokgale, mme kgabagare ke ne ka kgona go fa tsala yame Britny buka ka nako dijo tsa motshegare mme ka fa bopaki jo bo khutshwane. Britny o ne a ntebogela buka.

Kwa bofelong jwa ngwaga ya sekolo, Britny o ne a fuduga, mme re ne ra tswela ka go buisanya . O ne a mpoela ka sekolo sa gagwe se sesha le gore ditsala tsa gagwe tsotlhe fela ka bontsi ke maloko a Kereke, mme ga a ise a bue sepe sa semowa le bone.

Seo se ne sa fetoga pele ga ke ya kwa bodireding jwa kanamiso lefoko la modimo. Ke ne ka bona molaetsa go tswa kwa go Britny a re o na le dikgang tse di tona: gore o ya go kolobediwa, mme o batla go nteboga go bo ke le tsala ya gagwe mme ke beile sekai se se siameng.

Modimo o ne a tsaya mosimane wa dingwaga tse di 15 yo o ditlhong a sena maitemogelo ape a boanamisa efangele mme a mo kaela gore a abelane efangele le

mongwe yo o a itsileng gore o tlaa e amogela. Ke itse gore ka go reetsa Moya, rotlhe re ka bona batho ba ba re dikologileng ba ba emetseng go ithuta ka efangele ya puseletso. Ke a itse gore fa re ka thusa go tlisa le tota motho ale mongwe go Morena, "go boipelo jo bogolo jang go [rona] le [ene] mo bogosing [jwa ga] Rara!" (D&D 18:15).

Mokwadi o nna kwa Washington, USA.



Mmishene wa Selegodimo wa ga Jeso Keresete: Morwa Yo o Tshotsweng a le Esi

Tumelo, Lelwapa, Thuso

Ka thapelo ithute tiriso e mme o senke go itse gore o ka abelana eng. Go tlhaloganya botshelo le mmishene wa Mmoloki go ka oketsa jang tumelo ya gago mo go Ene le go segofatsa ba o ba lebeletseng ka thuto ya ketelo? Go bona molaetsa yo o montsi, ya ko reliefsociety.lds.org.

Se ke bontlha jwa Melaetsa ya Ketelo e e mmalwa ee nang le dintlha tsa mmishene wa Mmoloki.

Mmoloki wa rona, Jeso Keresete, o bidiwa Morwa yo o Tshotsweng a le Esi ka gore ke Ene a le nosi mo lefatsheng yo o tshotsweng ka mmaagwe wa senama le Rraagwe wa bosakhutleng. O tsere boswa jwa maatla a selegodimo gotswa kwa Modimong, eleng Rraagwe. Gotsweng go mme wa Gagwe, Mary, o tsere boswa jwa selefatshe mme o ne a kgona go tshwarwa ke tlala, lenyora, go lapa, go utlwa botlhoko, le go lebagana le loso.¹

Ka gore Jeso Keresete ke Yo o Tsetsweng a le Esi wa ga Rara, O kgonne go baya botshelo jwa Gagwe mme a bo tsaya gape. Dikwalo tse di boitshepo di ruta gore “ka tefo ya ga Jeso Keresete,” re “bona tsogo ya baswi” (Jakobe 4:11). Re ithuta gape gore botlhe “ba ka tsoswa ka mmele wa sennela ruri go bona botshelo jwa bosa khutleng” fa re dumela” (D&D 29:43).

Jaaka fa re tla go tlhaloganya thata ka botlalo gore go raya eng gore Jeso Ke ene Morwa yo o Tsetsweng a le Esi wa ga Rara, tumelo mo go Keresete e tlaa oketsega.

Mogolwane D. Todd Christofferson wa Khwaramo ya Baaposetole ba ba Lesome le Bobedi o ne a re, Tumelo mogo Jeso Keresete ke tshedimosetso le netefatso ya gore (1) O eme ele Morwa yo o Tsetsweng a le Esi (mo se nameng) wa Modimo, (2) Tefo ya Gagwe ga e fele, le gore (3) Ka sebele o Tsogile baswing.”² Baporofite ba malatsi a bofelo ba pakile ba re: “[Jeso Keresete] e ne e le . . . Morwa yo o Esi mo senameng, Morekolodi wa lefatshe.”³

Gotsweng Dikwalong tse di boitshepo

Johane 3:16; Dithuto le Dikgolagano 20:21–24; Moshe 5:6–9

Gotsweng mo Ditsong tsa Rona

Mo Kgolaganong e Ntsha re bala ka basadi, ba maina a bone a kwadilweng le ba a sa kwalwang, ba ba supileng tumelo mo go Jeso Keresete, ba ba ithutileng dithuto tsa Gagwe, e bile ba file bopaki jwa boruti jwa Gagwe, dikgagamatso, le bogosi jwa Gagwe. Basadi ba ba nnile barutwana ba ba sekai mo go rona le bapaki ba botlhokwa mo tirong ya pholoso.

Sekai, Maratha o ne a fa bopaki jo bo nonofileng ka boselegodimo jwa Mmoloki Fa a ne a re, “Ke dumela gore ke wena Keresete, Morwa Modimo yo o tshwanetseng go tla mo lefatsheng” (Johane 11:27).

Bangwe ba basupi ba ntlha jwa bomodimo jwa Mmoloki e ne ele Mme wa Gagwe, Marea, le ntsalae Elisabetha. Morago ga moengele Gabariele a sena go etela Mary, o ne a etela Elisabetha. E rile fa Elisabetha a utlwa madume a ga Marea, “o ne a tlelwa ke Moya o o Boitshepo (Luke 1:41 mme a fa bopaki gore Marea o tlaa nna mmaagwe Morwa Modimo.

DINTLHA

1. Bona *Gospel Principles* (2009), 52–53.
2. D. Todd Christofferson, “Building Faith in Christ,” *Liahona*, Sept. 2012, 13.
3. “The Living Christ: The Testimony of the Apostles,” *Liahona*, Apr. 2000, 2–3.

Ke ka dirang?

1. Ke eng go le botlhokwa mo go nna go tlhaloganya tiro ya ga Jeso Keresete?
2. Tumelo ya rona e ka oketsega jang fa re tshegetsatsa dikgolaganano tsa rona?